

第五冊 佛學類之六

佛學問答類編 上

李炳南老居士全集編輯委員會 印行

## 雪廬述學彙稿序

自佛教東來二千年中現居士身以淨土法門鼓舞當時沾溉後世者吾得三人焉曰宋之王龍舒清之周安士彭二林若夫傳記所載遠者如宗少文劉遺民近者如袁中郎昆仲乃至並世之楊仁山丁仲祐諸公何啻千百人然或勤於自修而疏於接衆或富於著作而簡於講說即龍舒安士二林三大老其於自行化他信今傳後亦有未若今日之盛者則李公雪廬之高樹法幢接納群品其爲不可及已 公濟南人居近聖人之鄉嘗入衍聖公幕於周孔遺教習之熟矣而獨能舍儒從佛遍研各宗皈心淨業違難南來稅駕臺中最初偶假寺廟靜室披演梵策寢假而從如歸市建立臺中蓮社建立菩提樹雜誌社建立慈光圖書館建立保護動物會建立慈光托兒所建立慈光育幼院建立菩提醫院而最後匯爲菩提救濟院舉臺灣遠及港澳南洋各地無不知有李老師者 公於各

慈濟機構一一精心擘劃務底於成逮規模既備則轉付他人主持於己若無所與者而惟以講經說法爲事因聽衆職業不同根器有異分爲數地各有定時 公往來其間雖風雨寒暑不爽晷刻其說融合性相導歸安養座下千指戶限爲穿及門高足亦各分座分時以廣法施拈珠數息者相望於道更於菩提樹雜誌社特闢答問一欄問者雖猥瑣支離亦必委曲詳盡務釋其疑又憫晚近學者迷於唯物謬說特於大學專科學生寒暑假期中在臺中設講習班給其膳宿爲之講解佛法凡來學者莫不如醍醐灌頂悔向者所見之不廣也又精醫理定期施診全活無算此特其餘事耳信衆多請皈依 公以白衣不傳皈依戒則爲介紹名德通信接引又兩次禮請天寧堂上證下蓮和尚啓建戒場第二次得皈依戒者千餘人因名之曰千人戒會余亦幸與其列則 公之益我不亦多乎以上偶有一端足徵其爲乘願再來而 公以一身兼之迄今蓋十有八年此十八年中 公無一時一刻不殫心於宏法利生雖眠食不得從容客有問者則曰忙忙夫世人所忙者官爵利祿妻子田宅飲食遊樂而公不與焉

公寄身斗室無眷屬之奉日中蔬食賴及門弟子輪流供養雖苦行頭陀不是過也則公之所謂忙者豈不以三界未空衆生多苦有以使之然耶凡公所行雖求之於龍舒安士二林三大老容有未逮遑論其他蓋修己或由勝行而度人兼須福報公之遠業輝煌亦其體力有以副之迄今年登八十起坐便捷步履輕利望之如五十許人則天之降大任於是人也豈偶然哉今年夏曆十二月初七日爲公八十整壽高足弟子周慶光邦道許慎獨祖成朱時英斐徐醒民周家麟江秀英諸居士發起裒集公之生平著述包括佛學醫學文學等爲雪廬述學彙稿刊刻行世慶光方任考選部政務次長兼主中華學術院中華大典宗教類編纂將更精選其中有關佛學之專著及詩文顏曰雪廬闡佛彙稿列入中華大典以介眉壽夫以公之體道觀空於身外之名豈復置意惟此二編大則宏經衛道小則化民成俗與紀述遭逢流連光景之辭迥乎異趣從此壽之黎棗使百世之下聞者莫不興起於公救世之心寧不稍愜余於公所爲文章未能盡讀然已稍窺端倪而居同里閨又嘗濫廁法筵

因於 公之立身行道就所聞知者略書梗概蓋惟有是人而後有是文  
他日書萬本而誦萬徧者大有人在又豈以余言爲輕重乎  
中華民國五十七年戊申十一月之吉

國民大會代表滿分優婆塞念生蔡運辰法名寬運 謹識

## 佛學問答類編二續編序

佛學，覺學也。覺乎衆生心也。夫以心之不覺，乃有妄執，執而爲障，障則一切盲然，而起無窮之惑。其最要者，生來滅去，宇宙變遷，何謂其然，莫之能解也。好學者或思其故，思之不得，求有道而問之可耳。然，惑業凡夫鮮能知思問也。其視器界有情，無常流轉，率以爲固然。此如來所謂可憐憫者，而需覺之以覺學也。覺學易爲覺者說，不易爲不覺者說。然既覺矣，不需說也，惟不覺者需之。不覺者不知其所需，說亦不能進。是以爲不覺者說，不惟說之難，而又難於多方接引，俾其知所需而問之也。業師東魯雪廬老人，弘化臺中，幾一世矣。以常年經壇普攝大衆，創寒暑講座以度大專學子。又以講學著述廣事接引。以禮樂接儒生，詩接風人，岐黃接醫術，史接通才。更設諸善事業，以

接疾苦人群。於是芸芸之衆，知有所需之道，競與經壇講座以求聞。聞而思之有不甚解者，或遠處不得而聞者，咸以書翰求釋疑義。師一一裁答之。問之多而答之要。或有外道故以難質，師應其機與答之。或折或攝，悉出於悲心。故問之邪而答之正。皆具破迷啓悟之功。問答之文，相繼載於覺群，覺生，以至菩提樹。後以學者需求益廣，乃輯成書，由初編，二編，而至續編，流通海內外。疑問之不決者，讀之迎刃而解。發心勸化而見難者，讀之亦覺豁然。初機宿學，自行化他，各有所得。續編爲師八秩祝嘏，今又七年餘，後續之文復累累，且又要於前。明倫諸友稟之於師，決再續輯，由青蓮社出版，將付鐫，囑民爲弁言。民也魯，聞一不能知二，仰鑽不進，僅能一識所瞻。師說世法，即是佛法，說普通法，即是特別法。故禮樂詩書講說，若百川之競注，各引一方舟，不迂不住，直入如來覺海。而此編又若川海之蒸騰，興雲作雨，應萬物之需而普澤。其與川海不一不異。是故五明

要義咸會於斯，而不見其深奧難入者，化使之然也。於戲，佛法無人說，雖智不能解。若或說猶不解者，蓋未能權化也。能權化而說之，未有不能解者也。學者其願深入經藏，自覺覺他，讀此一以反三，未有不能如願者也。

中華民國歲次乙卯荷月中浣受業弟子廬江徐醒民謹識





## 佛學問答類編序

釋尊因機演教，說法四十九年，三藏十二分修多羅理趣，無大不包，無小不入，法則備矣。顧初機四衆，每感教海淵宏，望洋興嘆，因而裹足不前。自提倡白話文後，青年人研究經論，扞格更甚。一科之中，術語如林，即辭典盛陳，亦不易獲得法益。衲年前在九龍芙蓉山時，朱斐居士以李炳南居士佛學問答兩套見贈。內容酬對，小叩小鳴，大叩大鳴，如大醫王應病與藥，無不契機契理，函蓋相合者。衲放置山中，遊客多喜讀之，未期月即失所在，足見同嗜者衆矣。今朱居士彙集李公前後所答千餘則，分類纂成總集，屬衲爲序，善哉！善哉！李公每答，皆言簡意賅，著墨無多，意義周足。其應付論敵，時如程不識刁斗森嚴；時如李廣利解鞍縱組，而未嘗或墮負處。是知積學甚深，性相兼通

，故能恢恢乎游刃有餘若此。是誠度生之寶筏，覺海之津梁也矣。  
。用是走筆隨喜，而爲之序。

時

乙未歲正月初三日

星洲大覺寺沙門融熙敬序

# 佛學問答類編序

（此係編者前辦「覺生」時期所集佛學問答小冊之二序文）

濟南李雪廬先生，國學博洽，內典淹通；宏法利生，發無上願。自蒞瀛嶠，到處講經；智燭光昭，妙蓮舌燦。以故初機宿學，群焉景從；風氣爲之大開，信士因而日衆。而更以其餘暇，爲人解答疑難：言詞之不足，則益之以文字；一次之不足，則不惜其再三。有猶撞鐘，叩之以小者，則小鳴；叩之以大者，則大鳴。閤中肆外，善誘循循；無畏布施，達於極度。是誠所謂現居士身，行菩薩道者矣！

問答题材，自「覺群」以至「覺生」月刊，各期均闢載專欄。文辭簡約，義理圓融；順道契機，開權顯實。能近取諸譬喻，每廣引以梵經；左右輒逢其源，儒釋互通其奧。息邪說，正詖辭

，以閑先聖之道；流法音，演真諦，用弘蓮社之宗。舉例反隅，斷疑起信；會心不必在遠，覽者固可自得之也！

「覺生」主編朱時英居士，既哀輯第十期以前問答题材，曰：「佛學問答初集」。今復取第十二至廿三題材，彙爲第二集。連珠綴錦，蔚爲大觀；方便良多，功德匪淺。承屬弁言，輒忘其固陋，而樂識其匡略於此。雪廬先生得毋笑其落於言詮，而爲文字障乎？

民國四十一年七月九日，周邦道謹序。

## 智慧的燈

(代編後記)

七四高齡的雪公長者，以四十年的修持、深入；加上十年來心血匯聚的「文字般若」，集儒佛各家就佛學上提出的問題，授我以編纂工作，高燃慧燈；以情重業深如我的這樣人，能承受這樣大的福慧，心中真是驟悲驟喜！

憶二年前，爲求證修學上的某項問題，遍搜多年來菩提樹刊載的全部問答，加以對照，頓使我這個夜行人，驀如走進一片光華世界。

我編纂此書的工作，是在時英老友的「菩提精舍」榻榻米上展開，整日眼前全是白紙上跳動的黑字，每個字映入我的眼睛，都閃爍著智慧的光芒。——我必須這樣說，我深感覺一個佛學行人，如欠缺修持上的工夫，絕不會獲得智慧（此不同於世俗的聰

明），如沒有智慧，用文字表達的作品，便沒有光芒。沒有智慧，在行爲上，「心」便無所轉「境」。

我一面工作，一面思量，抉擇，提出答樓永譽居士三條作個證，修持與智慧是怎樣地結伴而來；因此，我們可以見到雪老的境界與工夫。

樓：請問李老，過分「著相」念佛有什麼弊病？

答：過分者全分也，過分著相，乃全相即性！

樓：學人對極樂依正莊嚴及彌陀相好光明，日夜念念不忘，是否就是「過分著相」？

答：可謂「全事全相」！

樓：禪從無相入，淨從有相入，只要能入，管他「有相無相」作甚？然末法衆生妄想執著過深，初步均採有相入，即禪宗參話頭，方倫居士喻爲以毒攻毒，也可說從有相入，如何？

答：所見亦自超超。

這三條問題問得正是「病處」；時人學佛，入手多恍惚不能「入相」李老這一「點」，又何其精彩！

如這一類的答客問，讀來如飲瓊漿，且俯拾皆是，目不暇接，我相信能有緣讀它的，都是有福的人！

我編此書，採邏輯順序，做一番綜合與歸納的整理，使每一題目下，能獨自成一系統，使內容組織互相發生連鎖，使得同我一樣有緣讀它的朋友，都能同沾法味。

十日夜，全書竟，獲目二千六百六十三條，問者一千一百三十三人，概四十四萬八千五百字。

這裡淨宗獨佔五二九條，問者二三五人，字八萬六千。差不多念佛上所有的問題、都包羅了。

我同時應該一提的，胡正臨居士獨問七十六條，條條都是釋迦路上的事，我覺得他個人該爲這種問的精神驕傲！

十日來，我底精神、思想游仞於法海中，我底心靈間，猶如



升起一盞智慧的燈，這盞燈不僅照亮了自己，也將照耀著別人。

近讀華嚴女士一本發光的，頗具佛學思想的文學作品「智慧的燈」，生動、美麗、感人；尤其感人生——這條黑暗崎嶇的旅程，正缺乏一盞智慧的燈；現在，讓我們讀一讀雪老的「文字禪」吧！並讓我們沐浴佛恩。

——民國五十一年元月二十九日陳慧劍於臺中菩提精舍

# 李炳南老居士全集

佛學類之六

## 佛學問答類編 總目錄

雪廬述學彙稿序（蔡念生）	一
佛學問答類編二續編序（徐醒民）	五
佛學問答類編序（融熙法師）	九
佛學問答類編序（周邦道）	一
智慧的燈（陳慧劍）	一三
佛學問答類編（上）第五冊	
一、通問	一
佛學問答類編（中）第六冊	
二、析疑	五八一

三、質難

.....

七三二

四、因果

.....

八〇〇

五、持戒

.....

八七四

六、名相

.....

九八二

佛學問答類編 (下) 第七冊

七、修持

.....

一〇五

八、唯識

.....

一一四

九、禪觀

.....

一二五

十、心性

.....

一七九

十一、密宗

.....

三四八

十二、淨土

.....

三八三